

太平寰宇記

六

中國古代地理總志叢刊



卡 928.654

中國古代地理總志叢刊

太平寰宇記

卷六

〔宋〕樂史撰
王文楚等點校

中華書局

太平寰宇記卷之一百二十三

淮南道一

揚州

揚州，廣陵郡。今理江都、廣陵二縣。

禹貢：「淮海惟揚州。」唐虞淮海之間，皆州域也。爾

雅：「江南曰揚州。」言江南之氣躁勁，厥性輕揚，故曰揚州。天文斗牛之分，星紀之次。七國時屬楚。秦滅裂楚，爲九江郡地。項羽以封英布。高帝封其兄子濞。景帝四年更名江都國。〔一〕自此或爲郡，或爲國，廢置不恒。前漢揚州無定理。後漢揚州方理歷陽，又徙陰陵。〔二〕魏揚州刺史理壽春。吳自壽春移理建業。元帝渡江，歷江左，揚州常理建業。江都郡立爲南兖州。梁末，入北齊，改爲東廣州。歸陳，復舊名。入周，又爲吳州，置總管府。隋開皇九年改爲揚州，仍爲總管。煬帝改爲江都郡，移于坊內，于州置宮，號江都宮。武德二年，賊帥李子通自海陵率衆攻破州城，遂竊據之；三年，子通爲杜伏威所破，未幾伏威歸

化，于潤州江寧縣置揚州，以隋江都爲南兖州，(三)置東南道行臺；六年，輔公柝竊號江南，驅擁江北諸州，毀撤宮殿，盡過江南，城遂荒廢；七年，趙郡王孝恭討平公柝，改南兖州爲邗州；九年省江寧縣之揚州，改邗州爲揚州大都督府，督揚、和、滁、楚、舒、廬、壽七州。貞觀十年改大都督爲都督，督揚、滁、常、潤、和、宣、歙七州。龍朔二年升爲大都督府。天寶元年改爲廣陵郡，依舊大都督府。乾元元年復爲揚州。自後置淮南節度使，親王爲都督，領使；長史爲節度副大使，知節度事。恒以此爲治所。與成都府號爲天下繁侈，故稱揚、益焉。皇朝因之。

元領縣七。今三：江都，廣陵，六合。四縣割出：高郵，建軍。天長，建軍。海陵，入

泰州。永貞。入建安軍。

州境：東西二百二十五里。南北一百六十七里。

四至八到：西北至東京一千四百二十里。西北至西京一千九百四十里。西北至長安二千七百里。東至海五百六里，至泰州九十五里。南至大江三十里，渡江至潤州七十里。西至滁州二百里。北至楚州三百里。東南至海四百里，至泰興縣界八十里。西南至和州三百六十里。西北至泗州二百里。東北至泰州鹽城縣三百六十里。

戶：唐開元戶六萬一千四百一十七。皇朝戶主一萬四千九百一十四，客一萬四千七

百四十一。

風俗：其俗輕揚淫佚，好學工文。其民織紵稼穡。

姓氏：廣陵郡四姓：戴、高、盛、游。

人物：召平，廣陵人。封東陵侯。（四）劉瑜，字季節，廣陵人。

書令。（五）陳琳，字孔璋。善爲檄書，建安才子之一，（六）仕魏。

紘，廣陵人。盛彥，母目失明，因食蟬蟪，目遂明。曹憲，江都人。仕隋爲秘書學士。（七）

濟，江都人。相高宗。父護兒，隋開府，故語曰：「來護兒兒爲宰相，虞世南男爲大匠。」（八）徐鉉，字鼎臣，廣陵

人。以文章著，官至太宰。（九）李善，揚州江都人。注文選，爲六十卷。李邕，善子。

土產：莞席，錦綺，白綾，銅鏡，柘木。

江都縣，舊二十鄉，今二十五鄉。本秦廣陵縣地，屬廣陵。（一〇）漢景帝立江都國，遂因國以建

縣焉。

大銅山，在縣西七十二里，（二）即漢書稱吳王濞即山鑄錢，此其處也。

蜀岡。圖經云：「今枕禪智寺，即隋之故宮。岡有茶園，其茶甘香，味如蒙頂。」

蕪城，即州城。古爲邗溝城也。（三）漢已後荒毀。宋文士鮑明遠爲賦，即此。

廣陵。按郡國志云：「州城置在陵上。」爾雅云：「大阜曰陵。」一名阜岡，一名崑崙

岡，故鮑照蕪城賦云：「拖以漕渠，軸以崑崙。」河圖括地云：「崑崙山橫爲地軸，此陵交帶崑崙，故云廣陵也。」

大江，西南自六合縣界流入。晉祖逖擊楫中流自誓之所，南對丹徒之京口，舊闕四十餘里，謂之京江，今闕十八里。魏文帝登廣陵觀兵，戎卒十餘萬，旌旗數百里，臨江見波濤汹涌而歎曰：「吾武騎萬隊，何所用之。嗟乎，此天所以限南北也！」

江都故城，在縣西南四十六里。城臨江水，今爲水所侵，無復餘址。

臨江宮。隋書云：「大業十三年二月，大駕出揚子，幸臨江宮，大會賜食，并百僚亦餞于凝暉殿庭，酣戲爲樂數日。時羽葆初成，霜戈花曄，羽旆龍旂，橫街塞陌二十餘里，暉翳雲日，前代羽衛無盛斯時。」

十宮，在縣北五里長阜苑內。依林傍澗，竦高跨阜，隨城形置焉，^(一)並隋煬帝立也，曰歸雁宮、回流宮、九里宮、松林宮、楓林宮、大雷宮、小雷宮、春草宮、九華宮、光汾宮，是曰十宮。

東府齋。梁宣城王爲揚州刺史，顧野王及王褒並爲賓客。野王好丹青，善圖畫，王于東府起齋，令野王畫七賢，命王褒書贊，時人稱爲兩絕。

輿浦。按圖經云：「輿浦朝夕往來，恒有遊濁，及乎一朝清徹，後漢太守范邈表以爲

瑞也。」

釣臺。西征記曰：「雷陂有臺，高二丈。」又南兖州記云：「即吳王濞之釣臺。」

風亭、月觀、吹臺、琴室，並在宮城東北角池側。沈約宋書云：「徐湛之爲南兖州刺史，營構亭館，以極遊宴之誤。又于城南起萬歲樓，以望鍾山。」

澄月亭、懸鏡亭、春江亭，在縣南二十七里揚子宮西。以上三亭，皆隋煬帝置。雷陂。隋煬帝葬于其側。

厲王胥冢。郡國志云：「廣陵厲王胥冢，歲旱鳴鼓攻之，輒致雲雨。」抱朴子云：「吳主時掘大冢，有崇閣徹道，高可乘馬。有銅人，皆大冠執劍。棺中人鬢已頰白，面體如生，以白璧三十枚藉尸，舉之有玉，形似冬瓜，從懷中墮地，兩耳及鼻中有黃金如棗，此骸骨因假物而不朽之效也。」

江祀。江妃志云：「歲三祀之，以伍員爲配。」阮昇之南兖州記云：「其神復號江都王，或易王廟。」

東陵聖母廟，在縣南三十里。按神仙傳云：「東陵聖母，海陵人。適杜氏，師劉綱學仙術，道成，夫不之信也，告官拘于囹圄。頃之，聖母已從獄牕中飛出，衆人望見之轉高入雲中，于是立廟，遠近敬祀之，每表靈驗。常有一青鳥在祭所，人有所失，請問所在，青

鳥便飛集盜物之上，以此路無拾遺。」

故齊寧縣。按阮昇之記云：「齊高宗建武五年，遏艾陵湖水立裘塘屯，移縣于萬歲村。中興元年廢縣，西南去州城六十一里。」

張公城。圖經云：「漢末，張嬰所築，後因號張公城。在縣西四十里。」

孔融墓，在高士坊西北，去州九里。

孝義里。按宋書曰：「劉宗，武陽村人也。」又阮昇之記云：「宋文帝時爲上黨太守。少有志操，居世清謹。」元嘉二年，魏太武兵至廣陵，宗母爲軍所害，遂蔬食，不嘗五味以終世。其所住村，因改爲孝義里。」

孝婦祠。漢書于公以爲孝婦必不敢殺姑，後祭之即雨也。

吳公臺，在縣西北四里。沈慶之攻竟陵王誕所築弩臺也。後陳將吳明徹圍北齊東廣州刺史敬子猷增築之，以射城內。號吳公臺。

雷塘，在縣東北十里。煬帝葬于其地。貞觀十八年，李襲譽爲揚州長史，引雷塘水，又築句城塘，以溉田八百餘頃，百姓賴之。徵拜太府卿。

愛敬陂，在縣西十五里。魏陳登爲廣陵太守，初開此陂，百姓愛而敬之，因以爲名。亦號陳登塘。

合瀆渠，在縣東二里。本吳掘邗溝以通江淮之水路也。昔吳王夫差將伐齊，北霸中國，自廣陵城東南築邗城，城下掘深溝，謂之邗江，亦曰邗溝，自江東北通射陽湖。今謂之山陽濁。

廣陵縣，舊二十五鄉，今二十六鄉。本漢江都縣地，宋武帝析地置之，高齊又爲廣陵縣。隋初改爲江陽縣。按爾雅注云：「陽在北。」斯地處江之正北，故曰江陽。亦因宋舊名也。隋末廢，併入江都縣。唐貞觀十八年，長史李操奏割合瀆渠以東九鄉復立焉。又按州圖經云：「大業十二年分江陽，又立本化縣于郡南半邏合瀆渠。」今故城在西北一十八里。

桃花基，在縣南。上有廢吳王廟基，即隋置。

邵伯埭，有斗門，縣東北四十里，臨合瀆渠。有小渠，闊六步五尺，東去七里入艾陵湖。按晉書：「太元十一年，太傅謝安鎮廣陵，〔五〕于城東北二十里築壘，名曰新城。城北二十里築堰，名邵伯埭。」蓋安新築，即後人追思安德，比于邵伯，因以立名。

茱萸溝，在縣東北一十里。西從合瀆渠，東過茱萸埭，七十里至岱石湖入，西四里對張綱溝，入海陵縣界。按阮昇之記云：「吳王濞開此溝，通運至海陵倉。北有茱萸村，以村立名。故記云：〔六〕邗溝，即吳王夫差所開，漕運以通上國。」

張綱溝，在縣東三十里。從岱石湖入，四里至溝中心，與海陵分界。按後漢書，綱爲

廣陵太守，濟惠于百姓，勸課農桑，于東陵邨東開此溝，引湖水灌田，以此立名。

六合縣

西南一百一十里。舊二十二鄉，今二十一鄉。

本楚棠邑，春秋時，伍尚爲棠邑大夫，即此

地。左氏傳襄公十四年：「楚子爲庸浦之役故，子囊率師于棠。」杜預注云，庸浦、棠，皆此地也。^{〔二七〕}秦滅楚，以棠邑爲縣。漢不改，封陳嬰爲棠邑侯，即此也。晉安帝于此置秦郡，北齊置秦州，後周改爲方州，又改爲六合郡，^{〔二八〕}因六合山爲名。隋廢郡爲六合縣。^{〔二九〕}唐武德七年又置方州。貞觀元年州廢，以縣屬揚州。

瓜步山，在縣東南二十里，東臨大江。宋元嘉二十七年，元魏太武帝嘗率師百萬至六合，登瓜步山，隔江望秣陵，纔數十里。宋人震恐，將走會稽，遣使求和，獻其方物，具百牢之禮，然後乃退。

六合山，在縣西北七十五里。隋開皇三年于此置六合鎮；九年，晉王平陳，于此臨江觀渡兵馬。^{〔三〇〕}

小石山，一名小帆。^{〔三一〕}

赤岸山。南兖州記云：「瓜步山東五里，江有赤岸，^{〔三二〕}南臨江中。」羅君章云「赤岸若朝霞」，即此謂也。濤水自海入江，衝激六七百里，至此岸側，其勢始衰。郭景純江賦云「鼓洪濤于赤岸」，即此也。

銅城。郡國志云：「六合縣有銅城，即吳王鑄銅處。」

滁塘。陳壽吳志「赤烏十三年，孫權遣軍十萬，作滁塘以淹北道」，而有斯浦也。

石梁溪，西北自滁州清流縣界流入。宋元嘉中，石梁澗中，古銅鐘九口，大小行列引次南向，刺史臨川王獻以爲瑞鐘。郡國志云「梁于石梁置涇州」是也。

卷一百二十三校勘記

〔一〕景帝四年更名江都國。史記卷一七漢興以來諸侯王年表、漢書卷二八地理志下皆載景帝四年置江都國。按史記卷一一孝景本紀：三年正月，吳王濞反，六月，吳楚七國之亂平，「徙汝南王非爲江都王。」則江都國之置在三年，非四年。

〔二〕又徙陰陵。按續漢書郡國志四：九江郡治陰陵，「歷陽，侯國，（揚州）刺史治」，壽春，劉昭注引漢官云揚州刺史治。通典卷一八一州郡一一：後漢揚州「理歷陽」，漢末移理壽春，劉繇又移理曲阿。與續漢志合，未見後漢揚州徙治陰陵。

〔三〕以隋江都爲南兖州。「南兖州」，萬本、庫本同，中大本作「兖州」。按舊唐書卷四〇地理志三：「揚州，武德三年，「以隋江都郡爲兖州，置東南道行臺。」又江都縣：「隋爲江都郡，武德三年改爲兖州。」通典云「大唐初爲兖州。」則中大本是。下文「改南兖州爲邳州」，「南兖州」亦應作「兖

州」。

〔四〕召平廣陵人封東陵侯 萬本、中大本、庫本皆無，蓋非樂史原文。

〔五〕陳矯字季弼廣陵人官尚書令 萬本、中大本、庫本皆無，蓋非樂史原文。

〔六〕字孔璋善爲檄書建安才子之一 萬本無「字孔璋」及「建安才子之一」之文，而「善爲檄書」上有

「廣陵人」三字，庫本同。按三國志卷二「魏書陳琳傳」云：「廣陵陳琳字孔璋。」則宜有「廣陵人」三字。

〔七〕曹憲江都人仕隋爲秘書學士 萬本、中大本、庫本皆無，蓋非樂史原文。

〔八〕來護兒兒爲宰相虞世南男爲大匠 萬本、庫本皆無下一「兒」與「男」，亦是。

〔九〕徐鉉至官至太宰 萬本、中大本、庫本皆無，蓋非樂史原文。

〔一〇〕屬廣陵 萬本、中大本、庫本「廣陵」下皆有「郡」字。按秦無「廣陵郡」。漢景帝三年置江都國，史記卷五九五宗世家：漢武帝元狩二年，江都王建謀反，「自殺，國除，地入于漢，爲廣陵郡。」廣陵縣于漢景帝後屬江都國，漢武帝元狩後屬廣陵郡。譚其驤秦郡新考謂秦置東海郡，秦郡界址考謂「東海郡境全有漢志之泗水、廣陵二國，東海、臨淮二郡有之而不全」，則秦廣陵縣屬東海郡。

〔二〕在縣西七十二里 「西」，輿地紀勝卷三七揚州引元和郡縣圖志作「西北」，宋本方輿勝覽卷四四

揚州同。

〔三〕古爲邗溝城也。讀史方輿紀要卷二三引本書云：「邗溝城，在州西四里蜀岡上。」嘉慶重修一統志卷九七揚州府引本書同。

〔三〕竦高跨阜隨城形置焉。「竦高跨阜」，萬本及嘉慶重修一統志卷九七揚州府引本書皆作「高跨岡阜」。「城」，輿地紀勝揚州引本書作「地」。

〔四〕懸鏡亭「懸」，輿地紀勝揚州引本書作「垂」。

〔五〕太元十一年太傅謝安出鎮廣陵。按晉書卷七九謝安傳載出鎮廣陵事在孝武帝時，不繫年月。資治通鑑卷一〇六東晉孝武帝太元十年四月，謝安「出鎮廣陵之步丘，築壘曰新城而居之。」此「十一」之「一」爲衍字。

〔六〕故記云。按太平御覽卷七五引阮勝之記曰作「故史記云」，此疑脫「史」字。

〔七〕杜預注云庸浦棠皆此地也。庫本同，萬本無此文。按左傳襄公十三年杜預注：「庸浦，楚地。」襄公十四年闕杜注釋地，此云未詳所據。

〔八〕又改爲六合郡。按輿地紀勝卷三八真州引本書作「改秦郡爲六合郡」，宜有「秦郡」二字。

〔九〕隋廢郡爲六合縣。按隋書卷三一地理志下：「開皇初廢六合郡，四年改尉氏爲六合。」則非「廢六合郡爲六合縣」。又隋志云「大業初方州廢」，此脫。

〔三〇〕六合山至于此臨江觀渡兵馬「西北」，庫本同，中大本作「北」。按輿地紀勝真州引元和郡縣圖

志作「在縣北八十里」，宋本方輿勝覽卷四五真州同，則中大本是。萬本無此文，誤。

〔三一〕小石山一名小帆「小石」，庫本同，萬本作「石帆」。按輿地紀勝真州引本書曰「石帆堆」，又云「今號小帆山」。則此「小石山」宜作「石帆山」。

〔三二〕瓜步山東五里江有赤岸「萬本、庫本無」江字，嘉慶重修一統志卷七三江寧府引本書同，疑此「江」字衍。

太平寰宇記卷之一百二十四

淮南道二

和州 楚州 鹽城監

和州

和州，歷陽郡。今理歷陽縣。禹貢揚州之域。春秋時楚地。左氏傳云：「吳取楚太子建之母於巢。」又云：「楚子囊師于棠。」杜預云：「楚地。」和州蓋分爲二邑，皆楚境。「戰國時猶爲楚地。秦屬九江郡。漢爲歷陽縣，屬郡不改。土地十三州志云揚州後徙于陰陵，「三」今按濠州定遠縣界陰陵故城是也，即知漢末兼爲揚州。在吳時爲重鎮。晉爲淮南郡地。東晉改爲歷陽郡。「三」又按郡國志云：「歷陽西遏胡城，即晉王遵築以禦石虎。」「四」宋因之，兼立南豫州。齊、梁因之不改。梁末，侯景亂，江北之地盡屬高齊。「五」高齊立爲和州，

改臨江爲齊江，以和州領歷陽、齊江二郡。後又省齊江并烏江，并入歷陽爲一郡。隋開皇十三年罷郡，省齊江之譙縣入歷陽縣，以爲和州。煬帝初州廢，復立歷陽郡。唐武德三年，杜伏威歸順，因改爲和州。天寶元年改爲歷陽郡。乾元元年復爲和州。

領縣三：〔六〕歷陽，烏江，含山。

州境：東西七十九里。南北一百八十五里。

四至八到：東北至東京一千四百八十里。西北至西京一千九百里。西北至長安二千七百四十里。東渡江至宣州二百五十六里。〔七〕南至宣州三百二十六里。南至廬州二百三十四里。〔八〕北至滁州一百六十二里。東南至橫江西岸一十五里，大江中心爲界，與宣州當塗縣相接。西南至廬州巢縣界一百四十五里。東北至揚州六合縣界一百五里。〔九〕西北至廬州慎縣界一百一十里。〔一〇〕

戶：唐開元戶二萬一千。皇朝戶主四千七百八十九，客四千九百六十一。

風俗：同揚州。

人物：無。

土產：貢：紵布。茶，魚，稻。

歷陽縣，元十二鄉，今八鄉。本漢舊縣也，南有歷水，故曰歷陽。漢九江都尉居之，屬九江

郡。後漢爲揚州刺史所理之地。

雞籠山，在縣西北三十五里。淮南子云：「麻湖初陷之時，有一老母提雞籠以登此山，乃化爲石。今山有石，狀如雞籠，因名之。」

六合山。梁武登此山以望六合，故名也。

梁山，在縣南七十里。俯臨江水，南對江南之博望山。宋書云：「孝武帝大明七年祀梁山，大閱水軍于中江。是日，有白雀二集華蓋，有司奏請改元爲神雀，帝不許，因立雙闕于梁山。」又侯景之亂，梁將王僧辯軍次蕪湖，與景將侯子鑒戰于梁山，大破之。江東岸有博望山，屬姑孰，二山隔江相對，望之如門，南朝謂之天門山。兩岸山頂各有城，並將軍王玄謨所築，自六代爲都，皆于此屯兵捍禦。

橫江浦，在縣東南二十六里。建安初，孫策自壽春欲經略江東，揚州刺史劉繇遣將樊能、于糜屯橫江，孫策破之于此。對江南岸之采石往來濟處。隋將韓擒虎平陳，自橫江濟，亦此處也。

當利浦，在州東十二里。本名揚浦。晉龍驤將軍王濬平吳，水軍揚帆順流于此而下，王渾以旗招不住，〔三〕濬報云風利不得泊，遂先入石頭。後因以當利爲名。

沸井。和州圖經云：「郡有沸井一所，在郡西百步古城內。」